

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0060530 24
Zenica, 18.12.2024. godine**

**OPĆINSKI SUD U ZENICI
sudija za prethodno saslušanje
ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

P. E., osuđivan presudom Kantonalnog suda od 12.04.2018. godine za krivično djelo iz člana 289. stav 2. i 1. u vezi sa članom 28. i 31. KZ F BiH u sticaju sa članom 52. stav 1. tačka b) ZONDINOM ZDK u vezi sa članom 54. KZ F BiH, na kaznu zatvora u trajanju od 1 (jedne) godine i novčana kazna u iznosu od 3.000,00 KM, presudom Općinskog suda Zenica od 27.06.2018. godine, za krivično djelo iz člana 239. stav 3. KZ F BiH, na kaznu zatvora u trajanju od 1 (jedan) mjesec, uslovno 1 (jedna) godina, presudom Općinskog suda Zenica od 25.10.2019. godine, (Kantonalni sud Zenica od 25.10.2019. godine) za krivično djelo iz člana 232. stav 1. KZ F BiH, člana 293. stav 1. KZ F BiH u vezi sa članom 31. KZ F BiH, član 362. stav 1. KZ F BiH, član 172. stav 1. KZ F BiH u vezi sa članom 31. KZ F BiH, a sve u vezi sa članom 54. KZ F BiH na jedinstvenu kaznu zatvora u trajanju od 1 (jedne) godine i 4 (četiri) mjeseca, presudom Općinskog suda Zenica od 04.12.2019. godine, za krivično djelo iz člana 239. stav 1. u vezi sa članom 31. KZ F BiH, na kaznu zatvora u trajanju od 2 (dva) mjeseca, uslovno 1 (jedna) godina, presuda Općinskog suda Zenica izrečena jedinstvena kazna zatvora u trajanju od 2 (dvije) godine i 3 (tri) mjeseca za krivična djela iz člana 323. stav 1. u sticaju sa krivičnim djelom iz člana 293. stav 3. KZ F BiH u vezi sa članom 31. KZ F BiH u sticaju sa krivičnim djelom iz člana 183. stav 2. i 1. KZ F BiH u vezi sa članom 31. KZ F BiH, **nalazi se u pritvoru po Rješenju Općinskog suda u Zenici od 23.10.2024. godine,**

Što je,

Dana 25.09.2024. godine, oko 04,30 sati, u Zenici, ispred PU I Zenica, u ulici S., gdje je tom prilikom policijski službenik D.E u skladu sa Patrolnim nalogom [REDACTED] od 24.09.2024. godine vršio osiguranje objekta zgrade PU I i službenog parking prostora, P. E., u alkoholiziranom stanju sa 1,53 promila alkohola u krvi, upravljajući PMV marke „[REDACTED]“ registarskih oznaka [REDACTED], u kojem se na mjestu suvozača nalazio M.A., zaustavio se na trotoaru i tom prilikom narušio javni red i mir na način da je omalovažavao OSL pokazujući srednji prst, te nakon što mu je izdata naredba da se zaustavi, nije postupio po istoj, te se vozilom udaljio u pravcu ulice B., te prema ulici S., a nakon toga u ulici S. kod [REDACTED], gdje su regulisanje saobraćaja vršili policijski službenici H.E. i B.A. na temelju Patrolnog naloga [REDACTED], u trenutku kada su mu policijski službenici izdali naredbu upotrebom baterijske lampe

i ruke da se zaustavi, nije postupio po izdatoj naredbi, nego je povećao brzinu kretanja vozilom prema policijskom službeniku H.E. koji ga je zaustavljao, svjestan da na taj način sprječava službena lica u vršenju službene radnje, što je i htio, pa kada je policijski službenik H.E. vidio da je vozilo velikom brzinom usmjerio prema njemu, bacio se u stranu da ga ne bi udarilo vozilo, a P.E. se nastavio kretati vozilom prema raskrsnici ulica B. i B. a, da bi potom policijski službenici sa službenim policijskim vozilom i upaljenim svjetlosnim i zvučnim signalom krenuli za navedenim vozilom u namjeri da ga zaustave, pa kada je vozilom došao u ulicu O. i nije imao dalje prostora za kretanje, vozilom se zaustavio i izašao iz vozila, kojom prilikom je i M. A. izašao sa mjesta suvozača i krenuo da bježi, spotakao se i pao na tlo, kada ga je pod kontrolu stavio policijski službenik B. A., dok je policijski službenik H. E. za to vrijeme krenuo prema P. E. da ga legitimira, kada je P. E. raširenih ruku krenuo prema navedenom policijskom službeniku, zauzeo borbeni stav sa stisnutim pesnicama i sa namjerom da napadne policijskog službenika, zamahnuo da ga udari, ali u tome nije uspio jer se policijski službenik izmakao i uz pomoć fizičke snage i poluge pokušao ga staviti pod kontrolu kojom prilikom je P. E. pružao aktivan otpor, čupajući i gurajući policijskog službenika, usljed čega su se spotakli i pali na tlo, usljed kojeg pada je policijski službenik H. zadobio laku tjelesnu povredu u vidu ogrebotine kože prednje strane desnog koljena, nakon čega je na lice mjesta došlo policijsko pojačanje i to policijski službenici P. J. i B. A., koji su postupali po Patrolnom nalogu broj [REDACTED] od 24.09.2024. godine i koji su osumnjičenog P. E. stavili pod kontrolu stavljajući mu sredstva za vezivanje na ruke, a zatim, u trenucima dok je bio lišen slobode svim prisutnim policijskim službenicima uputio prijetnje riječima: „Ležao sam u zatvoru, ostavit ću vas bez posla, je..m li vam majku, da sam imao pištolj pucao bih na vas, ne bi me svezali“, a potom nakon što je transportovan u Kantonalnu bolnicu radi pregleda i ukazivanja pomoći i u Kantonalnoj bolnici uputio prijetnje policijskim službenicima riječima: „Poklat ću vam djecu, radit ću vam sve ovo kako sam vam sinoć s autom došao pred stanicu tako ću vam doć ponovo i baciti bombu u policijsku stanicu, a onda ću policajcu koji me je vezao zabost nož u stomak i rasporit do grkljana, mater vam je..m svima, djecu ću vam pobiti, ubit ću vas čim završite smjenu, a otići ću do [REDACTED] on će vas sve smijeniti i ostat ćete u roku od šest mjeseci bez posla, a onda ću vas ja u civilu rokati jednog po jednog na cesti i neće mi biti žao odležati, kerovi jedni, kako sam prije ležao u zatvoru, ležat ću ponovo, navikao sam, meni je 35 godina odležati ništa za svoj ćejf pa nek me osude“, da bi nakon toga kada je prebačen u prostorije za zadržavanje PU I Zenica i dok su službenici SHMP Zenica uzimali uzorak krvi radi vještačenja, ponovio ozbiljne prijetnje u prisustvu policijskog službenika D. S., koji je je bio raspoređen na poslovima dežurnog policijskog službenika i brigu o licima zadržanim u prostorijama za zadržavanje, riječima: „J...m li mu majku ubit ću ga čim izađem odavdje, j...m li mu dijete, p..a, nek dođe sad ovdje da ga prebijem, odležat ću ga, ali garantujem da ću ga ubiti“, sve vrijeme svjestan da ozbiljno prijeti da će napasti na službenu osobu u obavljanju poslova sigurnosti, što je i htio, pa nakon što je upozoren od policijskih službenika nastavio dalje sa psovka i prijetnjama,

Dakle, silom pokušao spriječiti službenu osobu pri obavljanju poslova javne sigurnosti pri čemu je jedna službena osoba lako tjelesno povrijeđena, te ozbiljno prijetio da će napasti službenu osobu u vršenju poslova javne sigurnosti,

Čime je počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. i 2. KZ F BiH i krivično djelo napad na službenu osobu u obavljanju poslova sigurnosti iz člana 359. stav 1. KZ F BiH, a sve u vezi sa članom 54. KZ F BiH.